



Suruhanjaya Komunikasi dan Multimedia Malaysia
Malaysian Communications and Multimedia Commission
Off Pusatran Multimedia
63000 Cyberjaya, Selangor Darul Ehsan
Malaysia
Tel: +60 3 8998 8000 Fax: +60 3 8998 1000
Website : www.mcmc.gov.my

Kenyataan Media

Press Release

Untuk Siaran Segera

MCMC PANTAU KANDUNGAN MEDIA SOSIAL YANG MENGGANGGU-GUGAT HUBUNGAN KAUM DAN KETENTERAMAN AWAM

CYBERJAYA, 14 Julai 2015 --- Suruhanjaya Komunikasi dan Multimedia Malaysia (MCMC) sedang giat memantau pengguna media sosial, terutamanya kandungan-kandungan yang bersifat menghasut dan provokasi terhadap hubungan kaum dan ketenteraman awam bagi mengelakkan berlakunya kejadian yang tidak diingini.

Sehubungan itu, Ketua Bahagian Pemantauan dan Pengawas MCMC, Zulkarnain Mohd Yasin menegaskan, pihak MCMC dengan kerjasama penuh oleh pihak pemberi perkhidmatan komunikasi akan mengenal pasti pengguna media sosial yang tidak bertanggungjawab. Di samping itu, mereka juga diminta untuk menyimpan bukti-bukti yang boleh digunakan untuk pendakwaan di mahkamah nanti.

Ujar beliau, MCMC akan mengambil tindakan terhadap mereka yang menyebarkan maklumat dan berita palsu yang boleh menguggat keselamatan dan ketenteraman awam; berdasarkan kepada peruntukan yang termaktub dalam Akta Komunikasi dan Multimedia 1998, di samping menyalurkan bantuan teknikal kepada siasatan polis.

Pihak MCMC juga turut meminta pihak pemberi perkhidmatan media sosial seperti Facebook, Twitter dan YouTube untuk menyekat akses mana-mana video dan gambar yang dimuat-naik dengan tujuan untuk mengeruhkan lagi keadaan.

Pihak MCMC menggesa orang awam yang mempunyai sebarang maklumat mengenai mana-mana pengguna media sosial yang tidak bertanggungjawab untuk memajukan maklumat tersebut kepada MCMC untuk diambil tindakan.

[Tamat]



Suruhanjaya Komunikasi dan Multimedia Malaysia
Malaysian Communications and Multimedia Commission
Off Perniaran Multimedia
63000 Cyberjaya, Selangor Darul Ehsan
Malaysia
Tel: +60 3 8688 8000 Fax: +60 3 8688 1000
Website: www.mcmc.gov.my

Kenyataan Media

Press Release

Mengenai Suruhanjaya Komunikasi dan Multimedia Malaysia (MCMC)

MCMC adalah sebuah badan berkanun ditubuhkan di bawah Akta Suruhanjaya Komunikasi dan Multimedia Malaysia 1998 yang melaksana dan mempromosikan matlamat dasar kebangsaan Malaysia bagi sektor komunikasi dan multimedia. MCMC mengawalselia dan menggalakkan pembangunan industri komunikasi dan multimedia yang merangkumi bidang telekomunikasi, penyiaran, dan juga aktiviti dalam talian, perkhidmatan pos dan pensijilan digital. Akta Komunikasi dan Multimedia mengadakan peruntukan kepada MCMC peranan melaksanakan dasar, manakala dasar membuat keputusan adalah diperuntukkan kepada Menteri. Menteri boleh juga mengeluarkan arahan mengenai dasar kepada Suruhanjaya.

Untuk maklumat lanjut, layari www.mcmc.gov.my dan untuk penjelasan lanjut, sila hubungi:

Tel: +603 8688 8000 Faks: +603 8688 1007 E-mel: scd@cmc.gov.my